



Sabtu, 12 Juni 2021
Ogen: Esekiel 3: 4-9



Paguh Bagi Lingling Batu



Pernah nge kita ngalaken kalak si mekeng? Ntah ercakup ras kalak si mekeng? Mungkin pernah ya... ibas tangtangna pe ersura kita ercakup ras kalak si bage enggo me sieteh uga nge kari responna, asum kita ngerana pe teridah ekspresina labo ngergaken kai si ikataken kita janah enggo si dat mungkin ujungna uga nge kari carana ngaloi rananta. Labo mesunah ngerana ras kalak si mekeng. Sebab banci nge dungna kitik ukurta banna.

Bage me pe Dibata enggo ndilo Esekiel guna ngerana ras Bangsa Israel si mekeng, si rusur mpemersik ukurna, si mpepiher ukurna bagi batu. Dibata tuhu-tuhu nandai bangsa pilihanNa. Tapi nina Tuhan maka ukur Esekiel pe ipepiher bagi batu gelah ia pe bersikeras guna tetap ngerana kempak bangsa Israel amin gia ia la ibegiken bangsa e. ibereken Dibata semangat si ernala-nala guna tetap nggit ngerana nuriken keleng ate Dibata man bangsa e. Guna ngalaken kalak si mekeng e perlu kin kalak si La mesunah menyerah. Kalak si paguh tekadna dengen tetap nggit nuriken kebenaran amin gia lit penolaken. Apakah tipe ta moria si la mesunah menyerah dengen putus asa? Amin gia menghadapi tantangan nggeluh, labo minter kote tapi kita tetap semangat dengen tetap ngulih-ngulih usahanta amin gia enggo jelasna pigapiga kai kita mengalami kegagalan. Moria si mamrena lenga nggit ngikuti kebaktin (subuk tatap muka/ live streaming) lenga nggit ku perpulungen jabu-jabu. Asal kita ngerana, minter ka nge ialoina. Sada kata sibelasken dua kata penjawabina kita. Pengaloina e pe mahanca kitik ukurta. Uga sedauh enda? Enggo singadiken ngajuksa? Erlajar kita sendah arah Nabi Esekiel ibas kininggitenta iperlengkapi Tuhan kita alu ukur si paguh bagi lingling batu. Lingling batu e paguh la terundu, ertina adi kita bagi lingling batu ndai bicara kai pe siman alanken, mberat pe perbebenta, latih pe ukurta, latih siakap erkiteken pinakit si ngerimrim, tetap kita paguh desken ling ling batu ndai, ula mobah dengen tetap erpengarapen ibas Tuhan. Tupung Tuhan mereken kesempatan man banta tetaplah kita ngelakoken si mehuli, ersembah man Tuhan.

